

# Болзгаснь урд

Долан джилә зураг 4 джилд кү-  
цәхин төлә Западн района күч-  
көлсчир ноолддж йовна. Эн джил  
28 миньгън центнер мах, 35500  
центнер үс, 2324 центнер ноос госу-  
дарствд хулдх болдж даалгъвр авла.

Өөдм даалгъвран болзгаснь урд  
күцәхин төлә социалистическ дө-  
рлдә оргәр делгрүләд, түрүн нүүр-  
ин дамшлтиг эдл-ахун көдлмшчир,  
малчир, механизатормуд дунд тар-  
хадж, ард үлддж йовси коллекти-  
вет цаглань дөнъ-нөкд болсна ашд,  
района күч-көлсчир джилә зурагъ-  
ан болзгаснь урд күцәв.

Государствд мах хулдлгъна джилә  
зурагъан 118,2 процент, үс—124,6  
процент, өндг 105 процент күцәв.  
Давси джилин иим цагла дүнъгцү-  
лхлә, эн джилд государствд 2675 це-  
нтнер мах, 6686 центнер үс, 716  
центнер ноос, 528 миньгън өндг  
икәр хулдгв.

«Пролетарская победа» колхоз  
(ахлачнь Социалистическ Күч-көл-  
сна Герой, СССР-н Деед Советин  
депутат үр Дедов, парторганизацин  
сегләтр үр Антонов), дажад «Лени-  
нец» колхоз (ахлачнь үр Роцин,  
парторганизацин сегләтр үр Глад-  
кий) государствд мах, үс ноос боли  
өндг хулдлгъна джилә зурагъан  
үзмджтәгъәр күцәв.

Района колхозмуд боли совхоз-  
муд джилә зурагъан болзгаснь урд  
күцәх бәәтхә, авси өөдм даалгъвр-  
ан бас үзмджтәгъәр күцәв.

Өдгә цагт Алдр Октябрьск соци-  
алистическ революцин 42-ч өбниг  
боли КПСС-н ЦК-н болх Пленумиг  
уктдж, района күч-көлсчир шин кө-  
длмшин дилгвр күцәхәр, государст-  
вд мах, үс, өндг орулдж өгх. олна  
малд дулан боли цахлнь үвлзлгъ  
белдхин төлә ноолддж йовна.